

# 卷三

新增刑案匯覽卷一

赦款章程

刑部咨欽奉

刑部咨欽奉

諭旨大沛

諭旨大沛

諭旨大沛

諭旨大沛

諭旨大沛

諭旨大沛

諭旨大沛

諭旨大沛

諭旨大沛

恩旨會議章程將斬絞軍流等犯分別准減不准減條款恭摺奏  
聞事光緒十

上諭欽恤庶獄仁政所先粵稽乾隆十一年  
高宗純皇帝特頒省

恩施溯查嘉慶十一年道光十一年咸豐十一年同治十一年均欽奉

前徽頒行 曠典朕敬奉 慈禧端佑康頤昭豫莊誠皇太后垂簾訓政

聖慈惠愛黎元塵懷宵旰祇承 懿訓勤求治理惟願天下乂安萬物得所茲當紀年

成憲以示矜恤而迓祥和所有刑部及各省已經結案監禁人犯除情罪重大及

毋庸查辦外其餘著大學士會同刑部酌量案情輕重分別請旨減等發落其軍流徒杖

分晰減等完結俾沾寬大之恩勉圖自新之路用副朕子惠兆民法外施仁至意欽此欽

皇上德洽好生 道隆善繼 澤同再造光天敷肆赦之仁 治洽重熙圖土有

恩綸之特沛欽 聖揆之同符 臣等祇頌之下不勝欣幸悅服之至溯查嘉慶十一

年及咸豐十一年同治十一年查辦減等章程均係遵照乾隆十一年舊章辦理所有已

書名 新增刑案匯覽十六卷首一卷  
撰者 清徐□輯  
卷 卷三  
內容分類 史·政書·法令·刑案  
索書號 大木·法類·例案·24  
編號 B3860300


東洋文化研究所漢籍目錄 編號: B3860300  
東洋文化研究所漢籍目錄 刑部漢籍善本文影像資料庫 索書號: 大木·法類·例案·24  
漢籍善本文影像資料庫 文本 新增刑案匯覽十六卷首一卷  
版權所有: 東京大學 東洋文化研究所  
使用上の注意事項

新增刑案匯覽

卷一 赦款章程

新增刑案匯覽

二





職官毆殺  
私用寄家  
銀兩義子

因義子劉逢春私用寄家銀兩訓斥頂撞向毆跑走與劉洪發一同追及該犯奪  
死不失查劉逢春於同治五年過房與劉成杰為義子其時年甫五齡係在十五歲  
以下恩養十二年不為不久今劉成杰將其砍傷身死訊係無心適斃自應按律問擬劉成杰除毀棄義  
子死屍不失應照凡人遞減輕罪不議外合依義子過房在十五歲以下恩養年久若義父毆殺義子者  
以毆殺乞養異姓子論例文非理毆乞養異姓子至死者杖一百徒三年律擬杖一百徒三年遞配折責  
充徒劉洪發與劉成杰同姓不宗訊未幫毆當劉成杰毀棄死屍之時劉洪發已先走回並不知情惟見  
劉逢春被劉成杰砍斃聽囑狗隱不行首告亦應比律問擬劉洪發合依知人謀殺他人被害之後不首  
告者杖一百律擬杖一百係留川補用游擊應請革職免其發落 光緒六年案

欺隱田糧

浙撫 奏烏程歸安兩縣鄉民糾眾入城藉詞滋鬧挾制冀免錢漕一案查例載刁徒直入衙門挾制官  
吏究追主使之人一體問罪俱發近邊充軍等語此案楊集周起意藉水免完錢漕主使丁未汶糾同陳  
新增刑案匯覽 卷三戶役 田宅 婚姻 欺隱田糧 卑幼私擅用財

萬馨等十餘人赴府要求迫經該府坐堂查訊胆敢直入署內咆哮挾制實屬刁頑丁未汶聽從主使糾  
人並隨同入署助勢厥罪惟均自應按例問擬楊集周丁未汶均合依刁徒直入衙門挾制官吏究追主  
使之人一體問罪俱發近邊充軍例均發近邊充軍到配各杖一百折責安置陳萬馨潘大得沈進彩雖  
均在頭門外探望並無隨同入署喧鬧情事惟圖免錢漕聽從同往究有不合均照不應重律擬杖八十  
折責發落 光緒十年案

男女婚姻

刑部 咨准豫撫咨請核示邴州民婦岳氏謀殺冒妄為婚不能人之夫陳二川身死一案查律載男女  
定婚之初若有殘廢者兩家明白通知各從所願若為婚而男女妄冒已成婚者離異又嫁娶違律若由  
兄主婚者罪坐主婚又例載嫁娶違律應行離異者與其夫及夫之親屬有犯如係先姦後娶或私行苟  
合或知情買休雖有媒妁婚書均依凡人科斷若止係同姓及尊卑良賤為婚或居喪嫁娶或有妻更娶  
或將妻嫁賣娶者果不知情係明媒正娶者雖律載應離異有犯仍按服制定擬又律載謀殺人造意者  
斬監候各等語此案岳氏之父岳鬍子與陳二川鄰村素識陳二川莖物患瘡潰爛至成殘廢其兄陳大  
川欲為陳二川聘娶岳氏為妻向陳二川詰問陳二川並不推辭陳大川即向岳鬍子說親未將殘疾情

隱匿殘疾  
妄冒為婚  
之夫被婦  
殺斃

鄉民藉水  
圖免錢漕  
咆哮挾制



由告知岳鬚子應許迎娶過門陳二川不能行房岳氏詢悉前情即與陳二川不睦陳二川在集開設飯鋪因母病故由鋪回家岳氏不與同床睡宿陳二川將岳氏磨折岳氏飲泣隱恨憶及陳二川成廢不能生育將來終身無靠起意致死洩忿乘陳二川睡熟攜取鐵刀潛至床前覷定陳二川咽喉狠砍立時殞命該撫以岳氏因恨起意將陳二川用刀砍死係屬謀殺按夫婦罪應凌遲惟陳二川於未聘岳氏之先已成廢疾未經明白通知將岳氏聘娶過門實屬情同冒妄按律應行離異並無夫婦名分可定雖由其兄陳大川主婚而當時陳大川曾向詰問陳二川並不推辭則聽從冒妄似不得謂係無罪之人其被冒妄為婚之婦女殺死按照凡人以擅殺定擬似無輕縱惟查例內此等婦女與夫有犯究竟應否仍按服制科斷抑照凡人謀殺或照擅殺論均無明文罪名輕重懸殊未能草率定斷咨部核示等因本部查嫁娶違律應行離異者與夫有犯除例內載明同姓尊卑良賤為婚等項仍應按服制定擬外其餘均應依凡人科斷此案陳二川莖物患瘡已成廢疾經伊兄陳大川欲為聘娶岳氏為妻未將殘廢情由告知迎娶過門核其情節陳二川既有隱疾並不明白通知以致誤人終身婚姻既不得其正即屬應行離異其被岳氏殺斃例內並無隱匿殘疾冒妄為婚有犯仍按服制定擬明文自應按照凡人科斷但究係伊兄主婚陳二川僅止隱匿殘疾與倩令他人頂替騙娶妄冒為婚者微有不同若遽照擅殺定擬未免輕縱

新增刑案匯覽

卷三 婚姻

男女婚姻

衡情酌斷應將岳氏照凡人謀殺造意律擬斬監候隨本聲明酌入秋審緩決以持情法之平應令該撫速飭審擬具題到日再議可也 同治六年說帖

爭婚案件  
究訊偏執  
原聘人遺  
呈自縊

將軍 奏據布特哈副都統銜總管諾們德勒和爾詳稱該處正紅旗蘇凌額佐領下領催德精阿之次女許給閑散壽明之子德英福為妻尚未過門于本年正月十五日被閑散孟庫善賴婚率人硬將伊女搶去呈控等情飭司究訊正在核辦間詎案內原聘人壽明于二月二十四日夜間在該總管衙署大門東間柁上縊死當經揀派官仵相驗委係自縊身死由壽明屍身檢出遺呈所控佐領和昌德時順驍騎校忠全筆帖式保常等四員並將原被兩造全行解省親提研究詳核此案德精阿之女早年許給壽明之子已告知過羅蒙阿輒聽從敖拉氏唆使率將已字之姪女復許孟庫善之子且在雅爾堅保家擅受財禮設席主婚敖拉氏向德精阿求婚未允是已知姪女許字與人竟敢用酒誑騙羅蒙阿許親收受孟庫善財禮實屬有心毀婚肇禍首若僅照不應重律擬以杖八十革役殊覺情重法輕 奴才等擬請將羅蒙阿英吉華即敖拉氏從重酌擬各杖八十徒二年除英吉華即敖拉氏係屬婦女照例收贖外羅蒙阿實杖八十徒二年孟庫善於備送財禮時德精阿堅執不受並不即時查問輒敢於德精阿聘女前一日率人強搶致釀人命尤屬胆大妄為有傷風化孟庫善從重比照先經媒說未允因而糾搶照搶奪良

家妻女尙未姦汚滿流罪上量減一等擬實杖一百徒三年聽從孟庫善強搶之勒爾德英布善鄂散英布爾岱吉希里莫固勒古等於孟庫善所得杖一百徒三年罪上減一等各擬杖九十徒二年半均折枷責發落其容留羅蒙阿在伊家收受孟庫善財禮之雅爾堅保與飲晏之族人吉明亦屬非是均照不應輕律各擬笞四十折責交旗管東羅蒙阿收受財禮追出給領德精阿之次女仍斷給壽明之子德英福爲妻查該承審司員和昌德將順於此案果能分別先後明白開示何至釀成命案乃率憑孟庫善羅蒙阿一面情詞且據壽明遺呈控訴聽信忠全保常挑唆雖訊無袒護情弊究屬偏執已見以致壽明自縊身死案雖未定咎無可辭請 旨將佐領和昌德將順交部嚴加議處其驍騎校忠全筆帖式保常訊供僅止承認議論案情但遺呈控訴承審官入其圈套雖供情未合控訴不爲無因請將忠全保常咨部革職免其置議其掌左司圖記副管舒隆阿於此案失于詳察並該總管三員係統轄之官除富勒卿阿因公出外應免議處外其諾們德勒和爾薩呢布於此案正月十六日控官交司任聽佐領和昌等審訊偏執並不親提研訊以致壽明負屈於二月二十四日身藏遺呈夜間在總管衙署大門東門枕上縊死仍復不能迅速擬辦延至四月初八日始行詳報到省實屬任意玩愒應將該總管諾們德勒和爾薩呢布副管舒隆阿等三員請 旨一併交部議處

光緒四年案

新增刑案匯覽

卷二婚姻

三

男女婚姻

娶部民婦女爲妻妾

娶部民婦女爲妻妾

強占良家妻女

官和誘  
民女  
娶  
嗣經  
送

吉林將軍 奏雲騎尉志文將王錦堂女丫頭誑去霸占藏匿屢索始經伊叔承慶將女送還已開臉成婦一案查律載和誘知情爲首者發近邊充軍被誘之人減等滿徒又律載一家人共犯侵損於人者以凡人爲從論又載斷罪無正條援引他律比附加減定擬各等語此案已革雲騎尉志文先與丫頭通姦懷孕因恐姦情敗露遂與伊母傅吳氏相商不令丫頭回去嗣復因丫頭逃至伊家輒敢起意私留作妾偕伊母將丫頭送至吳成對等家藏匿應依和誘知情爲首例問擬惟王錦堂未控之先經志文胞叔承慶將丫頭送還衡情酌斷志文合依和誘知情爲首擬軍例量減一等擬杖一百徒三年係職官應請 旨從重發往軍臺効力贖罪俟奉部議覆解送兵部轉發所遺世職另行擇襲王丫頭聽從誘拐罪應滿徒惟未到案之先經承慶接回即隨其父兄還家尙知畏法王丫頭應依被誘之人減等滿徒例上再減一等擬杖九十徒二年半係犯姦婦女杖決徒贖飭交伊父王錦堂領回擇配志文之母傅吳氏縱容志文與王丫頭通姦並將丫頭開臉成婦後又扶同送往各處隱匿核與侵損於人無異傅吳氏應比照凡人爲從論律於志文滿徒上減一等擬杖九十徒二年半年已七旬照例收贖

光緒七年案

強占良家妻女

誘姦寄女  
擬軍後京  
控圖翻復  
畏罪自盡  
比例定擬

江督 奏已革江蘇同知駱基賢誘姦民女一案經護撫 臣譚鈞培奏准部覆詎駱基賢畏罪圖翻自捏情託毀據刑逼成招等詞令其妾張氏冒稱職婦出名遣抱赴京具控奏咨解回發江甯司道審訊據張錦仁等各供尙屬相符而駱基賢駱張氏等供堅執以金鑄買為養妾立有婚據並將三年七月初七日逼姦一節挪改為四年七月初七日收房任意狡展並敢以承審司道迴護上司違例承審當堂挾粟經 臣奏明改委安徽臬司孫鳳翔酌帶隨員書役來甯核明卷據督同委員隔別研訊並令賴其勳當堂另寫一紙核與存案婚據筆致相符賴其勳無可狡展據供實係駱基賢招往伊家袖出偽據為其添列張錦智同繼妻陳氏允願喜帖並為另謄各情親寫供單存案及提駱基賢質對節次反復開導駱基賢一味狡展不承飭用戒尺先後分責兩手三百下仍復茹供不吐發回看管乃駱基賢情虛畏罪於次日吞服烟膏經縣傳同駱張氏當面灌救吐出黑水逾時身死飭據會驗詳報復提人證嚴訊衆供僉同而駱張氏先則固執京控原詞任意刁狡堅不成招及親提復審肆行逞刁避匿不到案查此案迄今兩年有餘江甯司道審訊五十餘次茲經孫鳳翔督同委員悉心嚴訊反覆推勘衆證均甚明白毫無疑義而駱基賢生前既刁健不承駱張氏現又逞刁狡避若仍任其延宕拖累伊何底止自應仍據衆證情狀照例擬結查律載豪勢之人強奪良家妻女姦占為妻妾者絞監候又律載積慣訟棍播弄鄉愚恐嚇詐財一

新增刑案匯覽

卷二 婚姻

四 強占良家妻女

經審實即依棍徒生事擾害例問發雲貴兩廣極邊烟瘴充軍又律載凡不應為而為事理重者杖八十又斷罪無正條援引他律比附加減定擬又名例內載內外問刑衙門審辦案件其有實在刁健不承招者如犯該徒罪以上仍據衆證情狀奏請定奪各等語此案已革江蘇試用同知駱基賢使令其妾張氏招認民女張潤寶為寄女誘逼成姦欲圖霸占為妾迫事敗露經其兄張錦仁留住家內輒敢捏造張錦智夫婦允願喜帖誣控抵制並自毀改親供希圖狡飾脫罪既提省審認按例奏請改發黑龍江充當苦差已奉部覆復敢自捏情託毀據刑逼成招情詞令妾張氏冒稱職婦出名遣抱京控希圖翻案今經訊屬虛誣罪有應得惟遍查律例並無誘逼年幼寄女成姦圖作為妾未成作何治罪明文自應比律減等問擬駱基賢一犯擬合比依強奪良家妻女姦占為妾絞監候律上減一等擬杖一百流三千里係職官從重發往黑龍江充當苦差其於審結奏咨到部復敢捏詞赴京翻控訊明並無屈抑照例應候發遣後在配所用重枷枷號三個月業已畏罪自盡應毋庸議駱張氏始則聽從駱基賢誘騙張潤寶過繼為女一任駱基賢姦污圖占不為勸阻繼又藉口以張潤寶不孝打罵凌虐迫駱基賢捏據誣控提省審實照例擬辦之後復敢冒稱職婦出名捏情京控到案後又刁狡不承亦屬始終同惡相濟應請於駱基賢本罪滿流上減一等擬杖一百徒三年照例納贖追銀冊報賴其勳犯案擬徒減杖勒令回籍潛至上海逗遛播

弄刀筆茲於賂基賢逼姦寄女涉訟先邀張錦仁關說煽誘並為賂基賢改捏婚據得賄刪改親供幾至顛倒是非脫人重罪實屬譎張為幻刁訟險詐亦請如原擬應照積慣訟棍依棍徒生事擾害例問發雲貴兩廣極邊烟瘴充軍例擬發雲貴兩廣極邊充軍到配杖一百折責安置事犯到官雖在光緒七年五月十四日欽奉 恩旨以前情罪較重應請不准減等張錦智當張潤寶訴說被賂基賢逼姦之後勸令隱忍明為寄女暗即為妾雖訊因碍情畏勢有關顏面所致而其隱忍顛預致賂基賢賂張氏有所藉口殊屬不合應請酌照不應重杖八十律擬杖八十事在 恩詔以前應請援免 光緒十年案

多收稅糧斛面

黔撫 奏此案已革湖南候補知縣饒文斗充當倉正經收社穀即與主守無異輒行串同倉副黃應貴等勒折浮收殊屬不知自愛查饒文斗多折倉費穀銀四十五兩零已作建倉費用並未入己按律罪止擬杖惟淋尖淨收穀三十八石七斗五升零每石照市價值銀七錢共計入己銀二十七兩零計贓罪應擬流自應照律從重問擬饒文斗應請如所擬合依各倉主守收受稅糧踢斛淋尖多收斛面入己以監守自盜論監守盜倉庫錢糧二十五兩杖一百流二千五百里律擬杖一百流二千五百里係雜犯應總徒四年照律免刺到配折責充徒限滿遞籍黃應貴聽從多折倉費穀銀並未入己亦應如所擬照因公新增刑案匯覽 卷三婚姻 倉庫 五 強占良家妻女 多收稅糧斛面 隱匿費用稅糧課物 科斂雖不入己杖六十律係為從減一等擬笞五十年逾七十照律收贖 光緒六年案

隱匿費用稅糧課物

容隱村董  
捏戶侵賑  
差役藉端  
勒索

直督 奏交河縣村董江慶雲等捏造戶口侵吞賑糧及元城縣差役藉端索費各案查村董江慶雲捏造戶口侵吞賑糧十四石有奇胆玩已極應遵奏奉 諭旨即行正法惟該犯於事發時潛逃迨追拏至吳橋縣之連鎮染疫病故應毋庸議仍於家屬名下著追糧石張金鑑胡喬齡雖未通同捏戶侵賑但同辦一事既係知情容隱實屬徇私害公除胡喬齡已病故外應將張金鑑比照倉庫吏役知他役侵盜錢糧匿而不舉律於江慶雲斬罪上減一等擬杖一百流三千里不准因正犯家屬完贖減免候選教職李樹瀛既辦城內總局賑務即有稽查村賑之責乃富莊驛本村捏冒情弊竟未查知足見顛預應仍照原參革職元城縣差役徐得良索贓尚未入手亦無定數照例本無重罪第藉案索費在縣狡不承認致常鳴盛等均受責押情甚可惡應從重比照差役索詐不遂私行霸押拷打例枷號兩個月實發雲貴兩廣極邊烟瘴充軍刺字據供親老丁單不准查辦至革員徐城孫莖如有侵賑得贓等弊自應查照原參及續奉 諭旨奏請立置重典今派員節次查訪嚴訊徐城於村董捏戶侵賑僅止失於覺察其門丁江彭齡亦無分肥情事照例應行降級前以形同贖玩視民瘼歲參革職已足蔽辜孫莖因裕民常鳴



盛等頂撞違行重責鎖押平日於法所應責之人往往任性苛責已非一次是以該管道黃槐森原稟謂其殘酷虐民此外尚無別項重情照例應行革職惟營鳴盛等既控縣差索費不向徐得良嚴切追究反責押文生實屬縱役執法擬請永不敘用以示懲儆

光緒四年案

### 攬納稅糧

糧書代借  
利銀墊完  
錢糧並未  
淨收

直督 奏衡水縣人李永昇等遣抱京控糧書范五常等浮收錢糧等情一案查例載不應為而為事理重者杖八十又違 制者杖一百各等語此案從九銜李永昇未知李泗源為花戶趙清喜代借銀兩墊完錢糧須加利息及閏月銀數輒疑糧書均有浮收商同温永清等控告添砌情節雖非有心誣陷到案亦即供明惟屢次聯名牽瀆殊屬不合應照不應為而為事理重者杖八十律擬杖八十照例分別納贖折責發落糧書李泗源稽收錢糧其加閏本屬向例但違禁墊完民欠且代借加利向花戶趙清喜索計爭吵致肇訟端實屬紕繆應照違 制杖一百律擬杖一百業據該縣查出斤革仍折責發落永遠不准復充

光緒三年案

糧書包徵  
錢糧勒折  
淨收股削

浙撫 奏錢塘縣民告庫書何秉仁等科派股削一案查該革書等執法營私稔惡已久此次改則科派雖未徵銀入手而分給戶管勒令莊首具結確有可憑且包徵錢漕勒折浮收計贓則數逾鉅萬論罪則新增刑案匯覽

卷三倉庫

私借錢糧

六

攬納稅糧  
那移出納

浮於搶劫憫茲小民自非股削不堪何至千百人入城呼籲陳輔廷已幸逃顯戮若不嚴懲一二無以儆奸蠱而安眾心 臣於訊明後批飭杭州府會同 臣標中軍參將立提革書何秉仁綁赴市曹處斬其餘各書飭府分別情節輕重另行懲辦

光緒六年案

### 私借錢糧

錢店虧欠  
人項撥救  
錢糧擬結

湘撫 奏善化縣紳柳啟濤開設復隆錢店倒閉虧欠軍需捐釐公項銀兩一案查律載官物已出倉庫有人守掌若有借貸者計贓以監守自盜論又例載監守自盜倉庫錢糧入已數在一千兩以上者斬監候各等語此案已革候選知縣柳啟濤開設錢店輒敢將各局票存銀兩任意出借以致虧短閉店計贓數在一千兩以上按律應照監守自盜論柳啟濤合依監守自盜倉庫錢糧入已數在一千兩以上者斬監候例擬斬監候事犯到官在同治十三年十一月十五日 恩旨以前係侵盜錢糧應不准其查辦復達光緒元年正月二十日 大赦應准援免所欠銀兩仍行監追全完省釋其民間票存錢文飭令自行清理

光緒七年案

### 那移出納

錢糧河堤  
那款挪移

吏部 奏此案前署山東巡撫布政使李元華於修築黃河隄工里數丈尺既不核實奏報復將銀兩任

不符

因公挪用  
錢糧限內  
全完請予  
開復

卡員私挪  
釐金

因公挪移  
米折存餉  
限外全完  
比例定擬

意挪移此外尚有多銷銀數種種不符殊屬不成事體欽奉 諭旨李元華著交部議處應請將前署

山東巡撫布政使李元華比照州縣挪移錢糧革職擬罪例先擬以革職其應擬罪之處仍俟查明餘銀

有無浮銷再行擬議至前任曹州府知府馬映奎於填補坑溝等項歸併堤長里數計算未經先行據實

稟辦殊屬不合奉 旨交部察議應請將四川候補道前任山東曹州府知府馬映奎照錢糧造冊不

分晰明白降一級調用公罪例議以降一級調用馬映奎降調處分係屬公罪例准抵銷 光緒五年案

晉撫 奏前參因公挪用錢糧之知縣現於限內全完查律載各衙門收支錢糧監臨主守不正收正支

挪移出納還充官用者並計所挪移之贓准監守自盜論罪止杖一百流三千里係公罪又例載挪移庫

銀五千兩以上者擬實犯杖一百流三千里限一年果能盡數全完免罪仍照例准其開復又監守盜倉

庫錢糧審非入己者照挪移本例擬罪各等語此案已革永濟縣知縣洪貞頤於徵存光緒三年上忙錢

糧經該員親友汪小軒侯芸農挪移墊發勇糧並驛站夫馬工食等項銀六千三百八十八兩零該革員

初不知情與自行挪移者既屬不同嗣經查出檢舉並即於一年限內全數賠繳尚知愧奮例得免罪並

准開復原官合無仰懇 天恩俯准將前參革職之永濟縣知縣洪貞頤照例開復原官該員係原案

開復應請免其送部引 見汪小軒侯芸農經管永濟縣錢糧差務輒因應發勇糧等項無款可籌擅

新增刑案匯覽 卷三倉庫 七 那移出納

行挪移徵存錢糧墊發雖非侵吞入己第既經奉派經管即有主守之責亦應照例問擬惟所挪銀兩已

經洪貞頤於事發後全數賠繳亦請照例免罪 光緒六年案

粵西撫 奏梧卡委員通判陶用中移挪釐金一案查例載各衙門收支錢糧等物若監臨主守不正收

正支挪移出納還充官用計贓准竊盜論罪止杖一百流三千里又律載挪用庫銀五千兩以下者仍照

例擬雜犯流總徒四年統限一年全完免罪各等語此案已革試用通判陶用中委辦梧州上關釐金分

卡擅將收過竹木釐金銀兩挪用修理簿艇扒船及火食不敷之用徧查律例並無挪用釐金作何治罪

明文惟查抽釐一項原以撥濟軍餉要需與地丁錢糧應報撥充餉者無異該革員挪用釐金二百八十

餘兩係在五千兩以下自應比例問擬陶用中除失察司事孫新原即孫仲裘舞弊浮收輕罪不議外應

比照挪用庫銀五千兩以下仍照律擬雜犯流總徒四年例擬總徒四年限一年全完俟限滿日能否繳

足分別辦理 光緒六年案

川督 奏已革守備因公虧短營中米折存餉銀兩限外全完一案查此案已革越嶺營守備楊承恩在

任因防夷墊發賞需口食及添置箭枝並長支各兵備領餉項共挪用營中米折存餉銀三千九百一十

三兩零被革勒追嗣經核算明晰除列抵外尚虧短銀一千一百三十五兩零自光緒七年三月定案勒

追之日起計至全完之日已在三年限外遍查律例並無限外全完作何治罪明文自應比例酌減間擬  
楊承恩應如該督所擬合比依監守盜錢糧三年限外全完照二年全完減罪一等辦理例於挪移庫平  
五千兩以下總徒四年上減一等擬杖一百徒三年到官羈禁在光緒十一年正月初四日 恩旨以  
前係因公挪移賊非入己所得徒罪應准減為杖一百照例納贖餘如該督所議辦理 光緒十一年說帖

庫秤雇役侵欺

廣西撫 奏梧卡委員私挪釐金案內之司事已革試用未入流孫新原前在該卡管收釐銀私在天平  
盤底鎔貼松香因此多收平餘銀兩徧查律例並無多收釐金平餘作何治罪明文惟釐金原以濟餉與  
錢糧無異查律載倉庫官吏私自增減官降斛斗秤尺收支官物不平者杖一百因而得所增減之物入  
己者以監守自盜論又監守自盜倉庫錢糧一十兩杖七十徒一年半又監守盜倉庫錢糧一年全完流  
徒以下免罪各等語此案釐卡司事孫新原多收釐金平餘銀計贓一十一兩六錢自應比律問擬孫新  
原即孫仲襄應比照倉庫官吏私自增減官降斛斗秤尺收支官物不平因而得所增減之物入己者以  
監守自盜論監守自盜倉庫錢糧一十兩杖七十徒一年半例擬杖七十徒一年半限一年追完俟限滿  
日能否繳足再行查辦 光緒六年案

新增刑案匯覽

卷三倉庫

八

庫秤雇役侵欺 冒支官糧

那移出納 倉庫不覺被盜

冒支官糧

陝撫 奏已革參將曾萬祥冒領英毅軍欠餉一案查律載凡管軍官吏冒支軍糧已入己者計贓准竊  
盜論免刺又例載親屬相盜除本宗五服以外俱照無服之親定擬外其外姻尊長親屬相盜惟律圖內  
載明者方准照律減等此外不得濫引又名例律載稱准者罪止杖一百流三千里又斷罪無正條援引  
他律比斷定擬各等語此案已革參將曾萬祥捏名冒領前帶英毅營劉鴻烈餉銀一千六百四十餘兩  
該革弁雖係劉鴻烈等共祖堂妹之子係無服之親服圖並未載明毋庸議減查該革弁前充本營幫辦  
其冒支軍餉與冒支軍糧情無二致自應比例問擬曾萬祥應照管軍官吏冒支軍糧入己者計贓准竊  
盜論罪止杖一百流三千里律擬杖一百流三千里依律免刺係官犯請 旨從重發往新疆充當苦  
差仍照奏定章程改發黑龍江安置所領餉銀一千六百四十餘兩除已交劉容莊銀二百九十四兩又  
自陝搬劉鴻烈之姪劉賢一旅櫬回南盤費銀二百兩七錢不計外尚未交冒支餉銀一千一百四十兩  
零曾萬祥有無家產可賠移咨湖南轉飭湘鄉縣原籍查明辦理 光緒四年案

倉庫不覺被盜

刑部 咨遵議經紀花戶人等偷竊漕倉米石罪名以歸畫一查漕糧之與倉糧地雖殊而其為 天

經紀花戶 偷竊漕倉

冒支官糧

廣西司事 多收 銀兩

庚正供則一經紀之與花戶名雖殊而其為在官人役則同至水運之有經紀與陸運之有車戶情事亦屬相等觀倉庫務場庫科斗級若雇役之人即是主守侵欺係官錢糧並據以監守自盜論之律不特船戶與經紀不得強為區別即駕掌代役人等有犯偷竊亦均應以監守自盜論章程內治經紀之法嚴而花戶則未加懲創治船戶之罪重而車戶則仍從舊章在爾時不過因一時一事嚴加懲創並未著為通例刑法為天下之平豈容畸重畸輕致滋流弊既據該御史以經紀人等偷竊之案仍照經紀章程辦理致與例意多所齟齬若竟照例以六百石以上方擬罪究未免失之寬縱不足以懲奸蠹而重倉儲查偷竊漕糧至六百以上監守與常人舊例均擬死罪後將常人盜照偷竊餉鞘例改為一百兩以上擬絞監守盜之罪已加至數倍今欲輕重適得其平似不若仿照常人盜之例量為酌改並將經紀及花戶人等偷竊罪名畫一辦理而於追贓限期略為加嚴務使 朝廷大法不獨嚴於轉運之時而反寬於進倉之後庶不至同罪而異罰亦無虞法輕而易犯至用藥灌米之犯較之使水灌米者情節既不相同六十石以下之案較之一百石以上者輕重亦有差等若不論米數多寡及使水用藥均擬發遣殊覺漫無區別亦應於例內酌量加等辦理期歸允當再查漕倉積弊固由於經紀人等之敢於作奸但亦藉漕倉以售其奸私者經紀花戶而外尚不乏人漕糧自津門驗收以後起剝轉運宵小每視為漁利養命之藪

斤曾刊定章程

卷三十一

九 倉庫不覺被盜

加以游棍土惡沿途滋擾藉端訛詐之事不一而足而京通各倉去處又有積年匪徒結黨盤踞名為盤喫倉凡可以勒索分肥者靡所不有經紀花戶人等始則受其挾制繼且狼狽為奸初猶多方彌縫且益無忌憚以致漕倉事務積弊日深今欲使經紀花戶人等咸知畏法而沿途之擾累與匪徒之把持未能盡究非拔本塞源之道終無以戢其作奸犯科之心自非嚴加懲創竊恐難挽積習 臣等公同酌議擬請嗣後經紀花戶並車戶船戶駕掌代役人等凡有監守之責者竊盜漕倉糧米一百石入己者擬絞候入己數滿六百石者擬斬監候六十石以上者實發雲貴兩廣極邊烟瘴充軍二十石以上者杖一百流三千里十石以上者杖一百徒三年五石以上者杖八十徒二年不及五石者杖六十徒一年俱勒限四個月追完限內全完應斬候者減發附近充軍應絞候者減為杖一百流三千里應擬軍流者減二等發落應擬徒者免罪若不完再限四個月勒追全完應斬候者減發邊遠充軍應絞候者減發近邊充軍軍流犯以下於原犯罪名減一等發落如逾限不完徒罪及軍流人犯即行發配死罪人犯計其不完之數在六百石者入於秋審情實辦理數在一百石以上及不及一百石者均入於秋審緩決再限四個月追贖限外不完永遠監禁全完者係原擬斬候之犯發遣新疆酌撥種地當差原擬絞候之犯實發雲貴兩廣極邊烟瘴充軍至並無監守之責有犯偷竊漕倉糧米數至一百石以上者俱照常人盜漕運糧米

例擬絞監候秋審入於情實一百石以下於發極邊烟瘴充軍罪上加等發遣新疆酌撥種地當差為從  
之犯均於本罪加一等定擬其經紀丁舵人等將漕米用藥灌漲冀圖偷竊計其所灌之米不及六七十  
杖一百發附近充軍六十石以上至一百石實發雲貴兩廣極邊烟瘴充軍一百石以上發新疆給官兵  
為奴如僅止用水灌米不及一百石杖一百流二千里一百石以上實發雲貴兩廣極邊烟瘴充軍為從  
各犯均減為首罪一等其僅止用水灌漲之犯除尚堪食用之米不及外計所短之米勒限四個月追賠  
限內全完照例減等治罪倘不完繳仍加等治罪至漕糧起剝轉運之時如有匪徒沿途滋擾藉端訛索  
並在京通各倉結黨盤踞把持積年喫倉分肥者即照打擾倉場例加一等定擬得贓者照竊役詐贓例  
分別治罪為從各減一等如計贓重於從罪者仍各從其重者論如此分別懲辦庶情法皆歸平允而漕  
倉可期整頓矣 同治七年通行

出納官物有違

閩浙督 奏已革縣丞張鴻書前在代理紹安縣任內擅將入官叛產變價發給勇糧復失察下書需索  
各情遵照部議妥 具奏查例載官員將應行解部之正雜錢糧因緊要軍需挪用不報明督撫者降一  
級留任贖完之日聽督撫題請詳核開復又入官田產州縣官不候飭估部文即先變賣者罰俸一年又  
新增刑案匯覽

卷三倉庫 課程

出納官物有違

十 倉庫不覺被盜

失察家人犯贓照失察衙役犯贓例議處又書役犯贓本管官失於覺察如犯該徒者罰俸六個月又大  
小衙門蠹役詐贓計贓一兩至五兩杖一百加枷號一個月各等語此案該革員於代理任內因從逆匪  
犯拒捕倉猝募勇剿辦雖逆首均經拏獲勇糧不致虛糜惟動用叛產變價銀兩事前既未詳咨事後又  
不造報自應按律定擬該革員除失察下書需索夫價伙食計贓在五兩以下及應行入官叛產不先詳  
咨聽候飭估遽行變賣按例均止罰俸外查叛產變賣與正雜錢糧無異該革員因給軍需勇糧雖訊因  
剿辦逆匪事機緊急不及詳請經費所致所給勇糧亦經貢生郭昌等收繳實用實銷並非侵吞入己照  
例應降一級留任但擅自動用又不造銷實屬不合請從重仍行革職其虧空軍需錢糧係由挪移獲罪  
事在 恩詔以前例准豁免請援 赦免賠 光緒六年案

鹽法

江督 奏浙江查鹽哨官羅登榜等至海門廳地方搶船客洋銀一案查例載捕役並竊盜汛兵及營兵  
為盜均擬斬立決又川省差役藉起贓等事無論有無牌票但經執持軍火器械直入人家擄掠資財將  
為首及幫同動手之犯均照捕役為盜例擬斬立決兵丁有犯照差役一律擬斬又律載斷罪無正條引  
律比附加減問擬各等語此案羅登榜充當浙巡於浙引地面緝私是其專責乃於江北遇見並未裝貨

鹽法 鹽法 鹽法 鹽法

帶遞銀信之商船一望可知虛實輒敢開放槍炮駕船追趕經海門廳驗明朱小海船艙共著鉛子三顆  
追查無私鹽復令李正楚幫同搬取洋錢箱物並將商船帶走其為藉端行劫已無疑義遍查律例並無  
鹽哨稽查私鹽為由搶劫客船作何治罪專條若照營兵為盜例問擬則與營兵平空肆劫者無所區別  
核與川省差役藉起賊等事擄掠資財情節相符自應比例問擬羅登榜一犯應請比照川省差役藉起  
賊等事無論有無牌票但經執持軍火器械直入人家擄掠資財將為首及幫同動手之犯均照捕役為  
盜例擬斬立決律擬斬立決臣於訊明後即將該犯立按軍法以昭炯戒據稱保舉都司既無獎札呈驗  
浙省勇册亦未報明填註是否捏飾無從查究李正楚幫同動手本干例擬業已病故應毋庸議光緒三  
年案

禁止師巫邪術

欽差 奏續奉 寄諭交審汝甯府破獲教黨張懷松等一案已將訊明習教屬實並無謀襲郡城確

據各情形奏陳茲復詳審先行定擬未便因教首王覺一未獲致教案久懸無辜拖累查例載傳習邪教  
習念荒誕不經咒語拜師傳徒惑眾者為從俱發回城給大小伯克及力能管束之回子為奴等語此案  
張懷松聽從王覺一學習邪教並看過邪書為傳徒僅止陳本立一人所默書帖既未傳人亦非伊編造  
蘇添爵向蕭鳳儀借出邪書聽從入教陳本立楊西杰聽從張懷松蕭鳳儀入教敬神業已拜師吳何氏  
新增刑案匯覽 卷三 課程 祭祀 儀制 十一 鹽法  
亦曾拜王覺一為師雖得受天恩名目究屬婦女無知均應按習教本律問擬張懷松蘇添爵陳本立楊  
西杰吳何氏均合依傳習邪教習念荒誕不經咒語拜師傳徒惑眾為從俱改發回城給大小伯克及力  
能管束之回子為奴張懷松蘇添爵既經王繼泰供出恐非無因雖堅供並未與王覺一通謀起事難保  
非恃無質證狡供避就仍應照例監候待質照例刺字何吳氏照例收贖光緒十年案

乘輿服御物

熱河都統 奏內務府廂黃旗漢軍巴克坦布佐領下人王立泉年十八歲向充食地幼丁在熱河  
廷當差奉官派割荆條因鐮刀把鬆誤在路旁 御製詩歌臥碑磕頓致將字邊旁楞角磕傷訊非有  
心毀損遍查律例並無作何科罪明文自應比律問擬王立泉應請比照棄燬乘輿服物者杖一百徒三  
年照例折枷四十日滿日移旂鞭責發落光緒九年案

公差人員欺陵長官

刑部 奏吏部筆帖式龍世清擅擬奏底參古尼音布以國服內為其孫娶婦由侍衛慶良投遞挾制訛  
詐查例載假冒以建言為由挾制官府文武官革職又律載文武官犯杖一百者革職又斷罪無正條援  
引他律例加減比附定擬各等語此案已革筆帖式龍世清身任職官不思安分守法輒敢擅擬奏底向

傳習邪教  
從匪先行  
辦

當差幼丁  
傷御  
臥碑

官擅擬  
挾制  
底參  
長官

古尼音布藉端訛索雖未嚇詐得贓情節究屬刁惡若僅比照假以建言爲由挾制官府例子以革職尙覺輕縱應於杖一百罪上酌加一等擬以徒一年係職官從重發往軍台効力贖罪慶良旣知龍世清有擅擬奏底情事並不力爲阻止輒聽從代爲投遞從中調停亦屬不安本分惟業已革職應毋庸議

光緒八年

案

新增刑案匯覽

卷三儀制

十二公差人員欺陵

長官

新增刑案匯覽卷三終